



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 10. Paralytica mulier nobilis sanatur.

[urn:nbn:de:hbz:466:1-64112](#)

Iulij II.
beneficia.

Lauretum
exemptum.

Georgij
Monachi
D.

Card. Tra-
nenis D.

munitatesque. Lauretanam insuper Aedem, denuo in tutelam Pontificis receptam Pontificium facellum appellat, sacra inibi officia solemni ritu similiter, ut Romæ in facello Pontificis, peragi iubens. Porro Lauretani templi ministris omnibus indulxit, ut Pontificij familiares, & co- uiatores essent eo iure, quo qui optimo. Ad hæc Prætorum Laureto præsidere iussit à Pontifice diligendum, cui etiam mistum dedit imperium. Ex quo tempore oppidum Lauretum Recinetensium ditioni exemptum sui iuris esse cœpit. Annonam quoque & alia venalia Lauretum deferentes omni portorio, ac vestigali immunes esse voluit. Interdixit etiam ne quisquam dona, seu pecunias B. Mariæ Lauretanæ oblatas auerteret, cum excommunicatio- nis latæ sententiæ minis. Per id quippe tempus plurimis non pecunijs solum, sed etiam muneribus sacram Aedem auctam reperio. Georgius Monachus Patauinus B. Virginis Lauretanæ effigié ex argento expressam, pondo libra- rum quinque, donum attulit. Cardinalis Tranensis alteram eiusdem formæ ac materiæ effigiem, sed ponderis duplo maioris. alij alia, quæ exsequi operæ non est.

Paralytica nobilis mulier sanatur.

Cap. X.

Bon. Cyril.

Fuit hoc ipsum tempus etiam miraculis insigne. illud autem præcipuum, quod incidit in annū M. D. VIII. Longus quidam Neapolitani fuit unus è Consiliariis Regiis, clarus in paucis. Huius coniux femina primaria (ex viri cognomine Longa dicebatur) omnibus capta membris, acerbissimis insuper discruciata doloribus miserrimā trahebat vitam, morti quam vitæ similiorem. Itaque ad ultimum damnata ope medicorum, exorat virum, ut Lauretum deferri ipsam iubeat. Quod ut peruentum est, generū suum itineris comitem rogat, certum ut sacrum in augu- stissima

stissima Virginis cella faciendum curet suis rationibus accommodatum: nimirum cuius initium est: *Repleatur os meum laude*, in quo sanati à Christo Paralytici Euangeliū recitatur. Id sacrum sextæ feriæ à Pentecoste assignatum, vtique alienum ab eo tempore erat, cum iam pridem is abiisset dies; sed Longa votuum id sacrum expetebat. Vix hoc planè genero mandauerat, cum ipsa eodem genero prosequente, in factosanctam defertur Aedem, ac B. Virginis sistitur, haud dubia spe Deiparæ preces salubres sibi futuras. Ecce tibi prius quam gener socrus suæ mandata exequi posset, ad aram accedit sacerdos ignotus: qui rem diuinam ab illo ipso introitu: *Repleatur os meum laude*, orsus, Longam ingenti admiratione perculit. Igitur stupore attonita paulisper hæsit. Inde versa ad generum, qui non dum ab ea, sacri curandi causa, discesserat, sed iam discedere parabat, Mane, inquit, nihil attinet te ire: hoc ipsum est sacrum, quod requirebam. Porro ut ad illum Euangelii locum ventum est, ait Paralytico: *Tibi dico surge*. mira res dictu, visuque. paralytica mulier repente diuina quadam vi, simul membra consolidari, simul mentem insolita dulcedine perfundi sentit. Exemplo igitur gratulabunda exsurgit è sella, cæteris rei nouitate, ac stupore attonitis: manantibusque gaudio lacrimis, nullum facit agendi grates B. Virgini modum. Ad ultimum re diuina peracta, suis ipsa pedibus ad hospitium tendit, cunctis vtique eius familiaribus tantæ rei miraculo stupentibus. Aderat tum forte Laureti Dux Termalensis cum delecta equitum manu, qui a Julio II. in Galliam Cisalpinam ad bellum euocabatur. Hic igitur (ut qui Longam, eiusque insanabilem morbum familiariter norat) ubi suis ingredientem pedibus eam vidit; hæsit scilicet rei nouitate obstupefactus. evidenti deinde miraculo motus, diuinæ cum illa laudes miscuit. Noua exinde res auxit miraculi fidem. Sacerdos ille, qui Longæ rem diuinam fecerat, diu multumque requisitus nusquam comparuit;

paruit; diuinitus missum crederes, ut diuini operis minister foret. At Longa voti compos Neapolim regressa, valetudinem diuinitus receptam Deo consecrandam existimauit. Proinde sacrarum Virginum cœnobium Neapoli instituit: ipsa ægrorum insanabilium ministerio se se deuouit, Raimundo Cardona Prorege Neapolitano.

Iulius II. Lauretanum templum absoluit, munitque.

Cap. X I.

IVlius porrò alia multa beneficia, quæ longo explicata diplomate opere pretium non est referre, superioribus adiecit. Aucta hisce immunitatibus Aede Lauretana, ad eius munimentum cura Pontificis versa. Igitur haud minore animo pacis opera aggressus, quam quanta mole gerbat bella, Lauretanum templum à Paulo Secundo inchoatum, cuius absolutio varijs casibus turbata fuerat, nō exstruere solum, sed etiā permunire parat. Videbat quippe ædem non minus sanctimoniae, quam opulentiae fama inclytam in vico immunito expositam, seu militum, seu barbarorum auaritiæ fore. Bramantis ergo nobilis architecti consilio atque opera usus, per Hieronymum Robureum Laureti Patronum rem vrgere cœpit. Et Hieronymus Lauretanam Aedem omni ope ornare, munus ac decus Robureæ familiæ ratus, basilicam in arcis modum exstruxit muniuitque. Quippe facella ipsa propugnaculorum instar assurgunt, additæ vndique in summis muris pinnæ, aditusque sub tecto, ut ad propugnandum quoquo versus tuto discurrere miles possit. Omnino eminus intueti arcis potius, quam ædis speciem præbet. Et adiuuat tecti munitionem collis, cuius in vertice sita eminet, præser tim quæ vergit ad mare. Basilicæ corpus ex pilis ingentibus columnarum instar duodecim constat, quarū utrinque senæ concameratum tectum sustinent. Huic corpori duæ